



Si bandit sa de bator editzione de su Prèmiu de poesia in limba sarda

LÙVULA TI CANTO

(annu 2015)

Sos isetos de su Prèmiu sunt sos de:

- abalorare su bonu de Lùvula contande lu chin poesias.
- tzintzigare a pònnerre poesias, a manera de promòvere s'impreu de sa limba sarda in totus sas variantes suas.

Regulamentu.

Su Prèmiu est assentatu in duas setziones:

1^ setzione - PRO LÙVULA

Su tema est Lùvula. Sos poetas chi punnant a partetzipare a sa prima setzione de su Prèmiu tocat chi imbiare òperas chi faeddent de Lùvula. Sos poetas, comente fit in sas editziones colatas, ant a dèvere èssere sos chi ant a mustrare e a bandire su bonu de sa bidida. Sas poesias cherent curtzas, iscritas in rima o in versos isortos o liberos. Sa longària no nche devet colare sos binti versos, No ant a èssere ammissas poesias prus longas. Cumponende sas òperas, sos poetas ant a dèvere tènnerre in cussideru chi sas figuras chi ant a retratàre chin sos versos issoro, s'esseret chi bincant, ant a dèvere èssere interpretatas dae fotografos, chi las ant a bortare in màzines fotogràficas pro imprentare cartolinas, paris chin sas poesias. Pro cussu at a essere de profettu su de dare attentzione solu a un'aspettu, locu o argumentu chi pertocat sa bidida.

2^ setzione - POESIAS

Su tema est liberu. Sos poetas chi cherent leare parte a sa de duas setzione de su Prèmiu ant a dèvere imbiare òperas in versos isortos, liberos o in rima chi no nche colent sos baranta versos. Nudda brivat chi sos autores, po partetzipare a custa setzione, potant ischirriare su matessi tema de sa prima setzione, est a nàrrere Lùvula, ma sas poesias chi ant a bìnchere no ant a èssere imprentatas in sas cartolinas.

Sos prèmios

1^ setzione - PRO LÙVULA

1^ classificatu: € 500

2^ classificatu: € 300

3^ classificatu: € 100

2^ setzione - POESIAS

1^ classificatu: € 250

2^ classificatu: € 150

3^ classificatu: € 100

Sos prèmios, postos a distintu pro setzione, ant a èssere datos in libros.

A leare parte a Lùvula ti canto 2015 non si pacat e pòtent partetzipare totu sos sardos, finas si non sunt residentes in Sàrdigna.

Sas poesias potent èssere iscritas in cale si siet variante de sa limba sarda, incruitos sos faeddos alloglotos, bastante chi s'imbiare finas traduitas in una de sas varietates printzipales.

Donzi concurrenente at a pòtere leare parte a una setzione ebia de su Prèmiu e petzi chin una poesia chi cheret inèdita e mai premiata in àteros concursos literarios. De plagios, o de decratziones fartzas nd'ant a rispòndere sos autores o chie los rapresentat.

Sas òperas presentatas non si torrant ma abarrant a su Comunu de Lùvula (Biblioteca Cumonale), chi las at a pòtere impreare pro cale si siat isetu culturale, incruita sa publicatzione, chene paca peruna pro sos autores.

Pro imbiare sas operas bi cherent duas bustas de mannària diferente.

In sa prus minore tocat a bi pònnerre:

- Una còpia de sa poesia iscrita a computer o a màchina e firmata dae s'autore.
- Unu fozu uve bi siet su nùmene de s'autore, s'indiriztu, su nùmeru de telefono (finas cellulare), sa bidida sarda de nàschita e s'indiriztu de posta elettronica.
- Unu fozu uve bi siat sa decraratzione sichiente firmata dae s'autore: "Jeo sutascritu poeta (nùmene, sambenatu, locu e data de nàschita, residèntzia) permitto chi sos datos meos sient impreatos petzi pro sos fines numenatos in su bandu de su Prèmiu Lùvula ti canto 2015".

In sa busta manna tocat a bi pònnerre:

- 6 copias de sa poesia iscritas a màchina o in su computer, craras e fàtziles a lèghere e anònimas, est a nàrrere non firmatas.
- Sa bustedda minore, serrata, chin sa poesia e totu sos fozos numerato in supra.

In foras de sa busta manna si bi devet pònnerre sa setzione de su Prèmiu pro su cale si partetzipat e s'indiriztu sichiente: Comunu de Lùvula, Biblioteca Cumonale, Carrera de sos 1000, 11 - 08020 Lùvula NU.

Sas òperas divent arribare chin sa posta (a s'indiriztu montovatu in antis) o cussignatas a manu (a s'Ufitziu protocollo de su Comunu) intro de mesudie (12.00) de su 30 de lampatas 2015. Non si picat in cussideru su trimbu postale pro sas operas chi ant arrivare a pustis.

Partetzipanne a su Prèmiu, sos concurrenentes atzetant, s'esseret chi si àcat, sa publicata de sas poesias, chene chi si lis corrispondat diritu perunu.

Chie leat parte a su Prèmiu cufirmat de connòschere su bandu e nd'atzetat donzi règula.

Su Comunu de Lùvula numenat una giuria de espertos. Ant a èssere premiatas sas poesias chi ant a èssere cussideratas sas menzus.

Sa giuria no at a pòdere dare premio ex-aequo; potet dispònnerre de no assignare perunu prèmiu si cussidèret chi peruna poesia nde siet digna e finas de nde segnalare o mentzionare si nde sunt dignas.

Su zudissu de sa giuria est insindacabile e inapellabile.

Sos bìnchitores, sos signalatos e sos mentzionatos, leande parte a su Prèmiu, s'impignant a partetzipare a sa tzerimònia de premiatzione chi s'at a fàchere in die de dispònnerre. S'esseret chi non bi potant azovare pro una rejone justa, su prèmiu l'at a pòtere ritirare una pessone in parte issoro. In frau de sa premiatzione, a pustis de sa presentata de sas òperas signalatas o mentzionatas, s'ant a decrarare sos bìnchitores.

Pro cale si siat informatzione o acrarimentu si potet dimandare a sa Segreteria de su Prèmiu: Comunu de Lùvula- Biblioteca Cumonale, tel. e Fax 0784 - 416894 ; E mail: luvulaticanto@gmail.com

S'Assessore de sa Cultura dot. Pretu Pittalis